

## UGOVOR O PRUŽANJU USLUGA FIZIČKE ZAŠTITE IMOVINE I LICA

UGOVORNE STRANE:

1. **Mašinski fakultet Sarajevo, Ul. Vilsonovo šetalište 9.** ID/PDV broj:4200415950008, kao Naručilac koga zastupa prof.dr. Izet Bijelonja dekan, (u daljem tekstu: Naručilac)
2. **“Sword Security“ d.o.o. , Ul. Alipašina br. 83,** mjesto Sarajevo, ID/PDV broj:4200445860003; kao Izvršilac koga zastupa Dijana Dalipagić Younis, izvršni direktor, (u daljem tekstu Izvršilac)

### Član 1.

Predmet ovog Ugovora je nabavka „Usluge fizičke zaštite ljudi i imovine Mašinskog fakulteta Sarajevo“ (JN:3129-7-2-179/20) za potrebe Mašinskog fakulteta Sarajevo, za period od 01.01.2021.godine, do 31.12.2021.godine, a u skladu sa Tenderskom dokumentacijom, opisom, tehničkom specifikacijom i određenim uslovima, kao i prihvaćenom Ponudom pružaoca usluga, broj: 6379/P-11/20, od 24.11.2020. godine, koji čine sastavni dio ovog Ugovora.

### Član 2.

Izvršilac se obavezuje da će sve usluge iz člana 1 ovog ugovora vršiti savjesno i odgovorno, u skladu sa važećim standardima koji se odnose na fizičku zaštitu ljudi i imovine od uništenja, oštećenja, krađe, zaštite od požara, poplave i drugih elementarnih nepogoda, i provoditi druge odgovarajuće aktivnosti u okviru ponašanja dobrog privrednika.

Izvršilac se obavezuje, da neće zapošljavati, u svrhu izvršenja ovog Ugovora, fizička lica koja su učestvovala u pripremi Tenderske dokumentacije, najmanje šest mjeseci po zaključenju predmetnog Ugovora, odnosno završetku pružanja usluga po ovom Ugovoru.

### Član 3.

Naručilac se obavezuje da će obračun i plaćanje izvršenih usluga za fizičko osiguranje, vršiti prema stvarno pruženim uslugama, po jediničnoj cijeni rada, i to za 1h (60 minuta) = 5,95 KM (bez PDV-a)

Ukupna vrijednost nabavke predmetnih usluga fizičkog osiguranja ljudi i imovine, iz prethodnog stava, u okviru ovog Ugovora, neće preći iznos od = 29.750,00 KM, (bez uključenog PDV-a)  
*Slovima: dvadesetdevethiljadasedamstotinapedeset i 00/100 KM*

### Član 4.

Naručilac i Izvršilac su saglasni da se plaćanje vrši periodično, po prijemu uredno izvršenih usluga, u roku od 8 /osam/ dana od dana prijema uredno ispostavljene fakture, od strane Izvršioca, sa odgovarajućim zapisnikom o uredno izvršenoj usluzi, koji potpisuju obje Ugovorne strane.

Faktura će se ispostavljati mjesečno.

### Član 5.

Ugovorne strane su saglasne da će se realizacija ovog ugovora vršiti u duhu međusobnog povjerenja i sa pažnjom dobrog privrednika.

Izvršilac se obavezuje da izvrši predmetne usluge u skladu sa važećim standardima.

### Član 6.

Na eventualne primjedbe, uslove raskidanja ugovora, izvršenje obaveza Izvršioca usluga i Naručioca usluga po ovom ugovoru će se primjenjivati relevantne odredbe Zakona o obligacionim odnosima i drugi odgovarajući standardi, koji se primjenjuju na ovu vrstu ugovora.

### Član 7.

Eventualne sporove, nastale iz ovog ugovora, ugovorne strane će rješavati sporazumno, u protivnom je nadležan sud u Sarajevu.

### Član 8.

Za sve što ovim ugovorom nije definisano primjenjuju se odredbe Zakona o obligacionim odnosima.

### Član 9.

Ovaj ugovor je sačinjen u 4 (četiri) istovjetna originalna primjerka, po 2 (dva) za svaku ugovornu stranu.

Za Naručioca  
dekan



Prof.dr. Izet Bijelonja

Br: 06-VL-3885/20  
Datum: 11.12.2020.

Za Izvršioca  
izv. direktor

Dijana Dalipagić Younis

*aiipagiro*

Br: 7043/10-12/20  
Datum: 16.12.2020.